



ӨВӨРХАНГАЙ АЙМГИЙН ЗАСАГ ДАРГЫН ЗАХИРАМЖ

2019 оны 01 сарын 24 өдөр

Дугаар А/38

Арвайхээр

Аймгийн Онцгой комиссын бүрэлдэхүүн,
ажиллах журмыг шинэчлэн батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.3 дахь заалт, Гамшгаас хамгаалах тухай хуулийн 26 дугаар зүйлийн 26.1.1 дэх заалт, Засгийн газрын 2008 оны 11 дүгээр тогтоолоор батлагдсан “Улсын Онцгой комиссын ажиллах журам”-ын 3 дугаар зүйлийг тус тус үндэслэн ЗАХИРАМЖЛАХ нь:

1. Аймгийн онцгой комиссын бүрэлдэхүүнийг нэгдүгээр, комиссын ажиллах журмыг хоёрдугаар, онцгой комиссын хариуцах сумдын хуваарийг гуравдугаар хавсралтаар тус тус баталсугай.

2. Гамшгийн аюулаас урьдчилан сэргийлэх, хор уршгийг арилгах, аврах, хойшлуулшгүй сэргээн босгох арга хэмжээг Онцгой комиссын ажиллах журам болон холбогдох хууль тогтоомжуудтай нийцүүлэн шуурхай зохион байгуулж ажиллахыг комиссын бүрэлдэхүүнд үүрэг болгосугай.

3. Энэхүү захирамж гарсантай холбогдуулан аймгийн Засаг даргын 2016 оны А/362 дугаар захирамжийг хүчингүй болсонд тооцсугай

ЗАСАГ ДАРГА



Г.ГАНБОЛД

011100087

Аймгийн Засаг даргын 2019... оны ...
дугаар сарын ...ны өдрийн ... дугаар
захирамжийн нэгдүгээр хавсралт

АЙМГИЙН ОНЦГОЙ КОМИССЫН БҮРЭЛДЭХҮҮН

Дарга: -Аймгийн Засаг дарга

Орлогч дарга: -Онцгой байдлын газрын дарга

Гишүүд: - Аймгийн Засаг даргын орлогч

- Аймгийн Засаг даргын Тамгын газрын дарга

- Аймгийн Засаг даргын Тамгын газрын Санхүү, төрийн сангийн
хэлтсийн дарга

- Аймгийн Засаг даргын Тамгын газрын Хууль, эрх зүйн хэлтсийн дарга

- Аймгийн Засаг даргын Тамгын газрын Хөрөнгө оруулалт хөгжлийн
бодлого төлөвлөлтийн хэлтсийн дарга

- Аймгийн Засаг даргын Тамгын газрын Цэргийн штабын дарга

- Аймгийн Засаг даргын дэргэдэх Цагдаагийн газрын дарга

- Аймгийн Засаг даргын дэргэдэх УЦУОШАлбаны дарга

- Аймгийн Засаг даргын дэргэдэх Байгаль орчин, аялал жуулчлалын
газрын дарга

- Аймгийн Засаг даргын дэргэдэх Хүнс, хөдөө аж ахуйн газрын дарга

- Аймгийн Засаг даргын дэргэдэх Боловсрол, соёл, урлагийн газрын
дарга

- Аймгийн Засаг даргын дэргэдэх Эрүүл мэндийн газрын дарга

- Зэвсэгт хүчний 256 дугаар ангийн захирагч (зөвшилцсөнөөр)

- Тагнуулын ерөнхий газрын харъяа Өвөрхангай аймаг дахь
хэлтсийн дарга (зөвшилцсөнөөр)

- Аймгийн Засаг даргын дэргэдэх Мэргэжлийн хяналтын газрын дарга

- Аймгийн Засаг даргын дэргэдэх Газрын харилцаа, барилга хот
байгуулалтын газрын дарга

- Аймгийн Засаг даргын дэргэдэх Зооноз өвчин судлалын төвийн
дарга

-Аймгийн Засаг даргын дэргэдэх Мал эмнэлгийн газрын дарга

- Аймгийн Засаг даргын дэргэдэх Авто тээврийн газрын дарга

- Мэдээлэл холбоо, сүлжээ ТӨХХК-ний Өвөрхангай аймаг дахь газрын
дарга

-Монголын цахилгаан холбооны Өвөрхангай аймаг дахь Холбооны
газрын дарга

- Онги-Ус суваг ОНӨААТҮГазрын захирал

- ЭБЦТС ТӨХК-ний Өвөрхангай дахь салбарын дарга

- “АЗЗА” ТӨХК-ний гүйцэтгэх захирал

- МУЗН-ийн салбарын дарга (зөвшилцсөнөөр)

Нарийн бичгийн дарга - Аймгийн Засаг даргын дэргэдэх Онцгой байдлын
газрын орлогч, урьдчилан сэргийлэх тасгийн дарга

Аймгийн Засаг даргын 2019..... оны ...01
дугаар сарын 24...ны өдрийн А/38 дугаар
захирамжийн хоёрдугаар хавсралт

АЙМГИЙН ОНЦГОЙ КОМИССЫН АЖИЛЛАХ ЖУРАМ

Нэг. Нийтлэг үндэслэл

Аймаг, нийслэл, сум, дүүргийн Засаг дарга нь өөрийн харьяа засаг захиргаа, нутаг дэвсгэрийн хүрээнд гамшгаас хамгаалах тухай хүрээнд Гамшгаас хамгаалах тухай хуулинд заасан аюулт үзэгдэл, техникийн холбогдолтой осол, алан хядах ажиллагаа, дэлбэрэлтийн аюулаас хүн ам, мал амьтан, хүрээлэн байгаа орчныг аврах, хор уршгийг арилгах, хойшлуулшгүй сэргээн босгох арга хэмжээг хэрэгжүүлэх, орон нутгийн төрийн болон аж ахуйн нэгж, албан тушаалтны үйл ажиллагааг уялдуулан зохицуулах, шуурхай зохион байгуулах, хяналт тавихдаа энэхүү журмыг дагаж мөрдөнө.

1.1. Аймаг, нийслэл, сум, дүүргийн Онцгой комисс (цаашид комисс гэх) нь Гамшгаас хамгаалах тухай хууль болон холбогдох бусад хууль тогтоомж, энэ журмыг удирдлага болгон үйл ажиллагаандаа явуулна.

1.2. Комиссын бүрэлдэхүүнийг тухайн шатны Засаг дарга батална.

1.3. Комиссыг тухайн шатны Засаг дарга тэргүүлэх бөгөөд орлогч дарга нь аймгийн Онцгой байдлын газрын дарга, суманд тухайн хариуцсан албан тушаалтан байна.

1.4. Онцгой комиссын гишүүд нь ажлын үнэмлэхтэй байна.

1.5. Комиссын хурал нийт гишүүдийн 60-аас доошгүй хувийн ирцтэй бол хүчин төгөлдөр болох бөгөөд хэлэлцсэн асуудлыг хуралд оролцсон гишүүдийн олонхийн саналаар шийдвэрлэж, тэмдэглэл гаргана.

1.6. Комиссын дарга нь холбогдох хууль тогтоомжоор олгогдсон үүрэг, зорилтоо хэрэгжүүлэхтэй холбогдсон асуудлаар албан даалгавар гаргана.

1.7. Комиссоос гаргасан шийдвэрийг орон нутгийн төрийн болон төрийн бус байгууллага, аж ахуйн нэгж, албан тушаалтан, иргэд өмчийн төрөл, хэлбэр үл харгалзан дагаж мөрдөнө.

1.8. Комиссын өдөр тутмын үйл ажиллагааг тухай шатны Онцгой байдлын асуудал эрхэлсэн нэгжийн ажилтан эрхэлнэ.

1.9. Онцгой комисс нь албан ёсны тамга тэмдэг, хэвлэмэл хуудастай байна.

Хоёр. Комиссын эрх, үүрэг

2.1. Комиссын гишүүд дараах үүрэгтэй байна

2.1.1. Гамшгийн аюулаас урьдчилан сэргийлэх, аврах, хор уршгийг арилгах хойшлуулшгүй сэргээн босгох арга хэмжээний бэлтгэлийг хангуулах ажлыг орон нутгийн төрийн захиргааны болон аж ахуйн нэгж, төрийн бус олон нийтийн байгууллагаар гүйцэтгүүлэх Монгол улсын шадар сайд, Улсын онцгой комиссоос энэ чиглэлээр тусгайлан өгсөн үүргийг хэрэгжүүлэх.

2.1.2. Гамшгийн голомтод аврах, хор уршгийг арилгах, хойшлуулшгүй сэргээн босгох арга хэмжээг удирдан зохион байгуулах эдгээр арга хэмжээнд оролцож байгаа байгууллага, аж ахуйн нэгжийн үйл ажиллагааг уялдуулан зохицуулах.

2.1.3. Гамшгийн үед цагийн байдалд мэргэжлийн байгууллага өгсөн үнэлэлт, дүгнэлт авч хэрэгжүүлэх арга хэмжээний саналыг хэлэлцэж, шийдвэр гаргах.

2.1.4. Гамшгийн голомтод Засгийн газар, олон улсын хүмүүнлэгийн байгууллагаас олгосон бараа материал, тусламж хүргэх болон тээвэрлэх явцад хяналт тавих.

2.1.5. Гамшгийн аюулаас урьдчилан сэргийлэх, аврах, хор уршгийг арилгах, хойшлуулшгүй сэргээн босгох, нэрвэгдэгсдэд шуурхай тусламж үзүүлэх, нүүлгэн шилжүүлэх ажилд шаардагдах хүн хүч, техник хэрэгслийг зохих журмын дагуу дайчлан гагах асуудлыг орон нутгийн төрийн захиргааны болон бусад байгууллага, албан тушаалтантай хамтран шийдвэрлэж, зохицуулах шаардлагатай нэмэгдэл хүч, техник хэрэгслийг дайчлан гаргах.

2.1.6. Гамшгийн аюулаас хүн ам, мал амьтан, хүрээлэн байгаа орчныг аврах, хор уршгийг арилгах, хойшлуулашгүй сэргээн босгох арга хэмжээг хэрэгжүүлэхэд тухайн засаг захиргаа, нутаг дэвсгэрийн хүч хүрэлцэхгүй болсон үед дээд шатны онцгой комисст албан ёсны хүсэлт тавих.

2.1.7. Комиссоос олон нийтэд хүргэх анхааруулга, санамж болон авч хэрэгжүүлж буй арга хэмжээнийхээ талаар хэвлэл мэдээллийн хэрэгслэлээр шуурхай мэдээлж байх.

2.1.8. Гамшиг тохиолдсон үед хохирлыг үнэлэх ажлын хэсгийг зохих мэргэжлийн бүрэлдэхүүнтэй томилон ажиллуулж дүгнэлт гаргуулах.

2.2. Комисс дараах эрхтэй байна.

2.2.1. Гамшгийн аюулаас урьдчилан сэргийлэх, аврах хор уршгийг арилгах, хойшлуулшгүй сэргээн босгох арга хэмжээг хэрэгжүүлэх асуудлаар орон нутгийн төрийн захиргааны болон аж ахуйн нэгж, байгууллагын дарга нарт үүрэг даалгавар өгч биелэлтийг хагуулах, гүйцэтгэлд нь хяналт тавих.

2.2.2. Гамшгийн аюулаас урьдчилан сэргийлэх, аврах хор уршгийг арилгах, хойшлуулшгүй сэргээн босгох арга хэмжээнд орон нутгийн төрийн захиргааны болон мэргэжлийн байгууллага, албан тушаалтан, гадаадын хөрөнгө оруулалттай болон дотоодын аж ахуйн нэгж, иргэдийг хууль тогтоомжийн дагуу өмчийн төрөл, хэлбэр үл харгалзан татан оролцуулах.

2.2.3. Холбогдох байгууллага, албан тушаалтнаас шаардлагатай тайлан, мэдээ мэдээлэлд судалгаа гаргуулан авах, илтгэл мэдээллийг хурлаараа хэлэлцэж шийдвэр гарган биелүүлэхийг шаардах, хяналт тавих.

2.2.4. Гамшгийн голомтод хэрэгжүүлж байгаа арга хэмжээг шалгаж, дүгнэлт гаргах, илэрсэн зөрчил дутагдлыг арилгуулах арга хэмжээ авах.

2.2.5. Комиссоос болон нийтэд хүргэх анхааруулга, санамж болон авч хэрэгжүүлж буй арга хэмжээнийхээ талаар мэдээлэл хийхдээ хэвлэл мэдээллийн хэргсэлийг холбогдох журмын дагуу ашиглах.

Гурав. Комиссын зардал

3.1. Комисс нь нутаг дэвсгэртээ гамшгийн аюулаас урьдчилан сэргийлэх, аврах, хор уршгийг арилгах, хойшлуулшгүй сэргээн босгох арга хэмжээг хэргэжүүлэхтэй холбогдсон хөрөнгө, зардлыг жилийн төсөвтөө тусган зохих журмын дагуу захиран зарцуулна.

3.2. Комисс нь санхүүгийн данстай байна.

3.3. Комиссын санхүүгийн нэгдүгээр гарын үсгийг комиссын дарга, хоёрдугаар гарын үсгийг төрийн сангийн хэлтсийн дарга зурна.

3.4. Комиссын тухайн үеийн үйл ажиллагааны зардлыг Онцгой байдлын асуудал эрхэлсэн төрийн захиргааны байгууллагын гаргасан тооцоо, хэлтсийн саналыг үндэслэн Засаг даргын нөөц хөрөнгө, бусад эх үүсвэрээс санхүүжүүлнэ.

Дөрөв. Сумын Онцгой комисст чиг үүрэг хариуцуулах

4.1. Аймгийн Онцгой комиссын ажиллах журмыг үндэслэн сумын Онцгой комиссын ажиллах журмыг сумын Засаг дарга батлана.

4.2. Сумын Онцгой комиссын дарга нь Засаг дарга, орлогч дарга нь ЗДТГ-ын дарга байна.

4.3. Сумын Онцгой комисс нь нутаг дэвсгэртээ гамшгийн аюулаас урьдчилан сэргийлэх, аврах, хор уршгийг арилгах, хойшлуулшгүй сэргээн босгох арга хэмжээг зохион байгуулж, хэрэгжүүлэх аймгийн Онцгой комиссоос өгсөн үүрэг даалгаврын биелэлтийг хангах үүрэгтэй ажиллана.

4.4. Сумын Онцгой комисс нь энэ журмын 11-т заасан үүргийг биелүүлэн 12.1, 12.2, 12.3, 12.4, 12.5-т заасан эрхийг эдэлнэ.

4.5. Сумын Онцгой комисс нь гамшгийн үед зохион байгуулсан арга хэмжээ, үр дүнг гамшгийн нөхцөл байдал дууссан тухай бүр, авч хэрэгжүүлсэн арга хэмжээнийхээ тайланг жил бүрийн 11 дүгээр сард багтаан аймгийн Онцгой комисст танилцуулна.

4.6. Сумын Онцгой комисс нь нутаг дэвсгэртээ гамшгийн аюулаас урьдчилан сэргийлэх, аврах, хор уршгийг арилгах, хойшлуулашгүй сэргээн босгох арга хэмжээг хэрэгжүүлэхтэй холбогдсон хөрөнгө, зардлыг жилийн төсөвтөө тусган зохих журмын дагуу захиран зарцуулж, зарцуулалтын тайланг хагас, бүтэн жилээр аймгийн Онцгой байдлын газар (онцгой комисс)-т ирүүлж байна.

Тав. Бусад зүйл

5.1. Сум дүүргийн Онцгой комисс нь гамшгийн үед зохион байгуулсан арга хэмжээ, үр дүнг гамшгийн нөхцөл байдал дууссаны дараа тухай бүр аймаг, нийслэлийн Онцгой комисст, аймаг нийслэлийн Онцгой комисс нь хэрэгжүүлсэн арга хэмжээнийхээ тайланг жил бүрийн 12 дугаар сард Улсын Онцгой комисст ирүүлнэ.

5.2. Комисс нь дүрэмдээ орон нутгийн онцлогийг тусгасан заалт нэмж оруулж болно.

5.3. Өгсөн үүрэг даалгаврыг биелүүлээгүй байгуулага, аж ахуй нэгж, албан тушаалтан, иргэд захиргааны шийтгэл ногдуулах, саналаа эрх бүхий холбогдох байгууллага, албан тушаалтанд тавьж шийдвэрлүүлнэ.